

185

2

東 京 圖 書 館

漢書門

地理

三

七

二

冊

類

函


架

號

冊

附 圖 志

印



朝鮮國志卷三

○銅州城

在平壤西北。宋祥符中契丹擊高麗其將康肇敗保銅州爲契丹所擒。即此其相近者又有費資等州。或曰費州今買州之訛。貴州今謂州之訛也。又嘉州城亦在平壤西北。唐置元因之。今日嘉山郡。西接義州。東接安州境。

○保州城

在平壤西北百餘里。遼志開泰三年以高麗王詢擅立問罪不服取其保定二州仍置保州治來遠縣亦曰宣義軍金初以高麗臣附割保州治與之即今安州也其相近者有懷化軍亦遼開泰三年置隸保州金初亦入於高麗

○定州城

在平壤西北三百餘里高麗置治定東縣遼去之仍曰定州亦曰保寧軍後入於高麗今仍為定州西南與義州接界

○義州城

在平壤西北四百二十里其西南為龍川郡皆濱鴨綠江明萬歷二十年朝鮮王李昖以開白亂走義州請內屬即此又有晏家關在義州西南當鴨綠江水東岸舊為津要又鉄州城亦在平壤西北唐所置州也元亦置鉄州領定戎一鎮今仍曰鉄州又西北曰靈州亦唐置元因之今仍舊又熙州城在鉄州東北唐置元因之今日熙州郡又東曰撫州亦唐置元因之今仍舊

○嘉州城

在今安州之西。唐置。元仍曰嘉州。今爲嘉山郡。又有  
秦州城。在定遠府西。亦唐置。元因之。今日秦山縣。

○慕州城

在涿州西二百里。本渤海安遠府地。領慕化崇平二  
縣。遼改置慕州。屬涿州。後廢。

○豐州城

舊志在涿州東北二百一十里。渤海置。亦曰盤安郡。  
領安豐。渤格。隔壤。硤石。四縣。遼廢。縣存。州仍隸涿州。

後廢。

○正州城

舊志在涿州西北三百八十里。本沸流國故地。爲公  
孫康所併。渤海置正州。於此。亦曰沸流郡。以沸流水  
而名。遼因之。仍隸涿州。後廢。又東那郡在正州西七  
十里。渤海置。遼因之。仍屬正州。後廢。

○帶方城

在平壤。南漢縣。屬樂浪郡。公孫康置帶方郡。於此。晉  
因之。後沒於高麗。杜佑曰。後漢建安中。公孫康分臨

屯昭明二縣以南荒地置帶方郡漢志注樂浪郡南部都尉治昭明是也隋大業中伐高麗分兵出帶方郡即此又增地廢縣亦在平壤南境漢縣屬樂浪郡後漢因之晉省隋伐高麗分軍出增地道即此

○積利城

在平壤西境唐貞觀二十一年遣牛進達自海道入高麗拔其石城進至積利城下敗其兵其相近者又有泊灼城貞觀二十二年薛萬徹等伐高麗圍泊灼城而還志云自鴨綠江口舟行百餘里又小舫沂流

東北三十里至泊灼口即泊灼城矣石城見定遠衛

○黏蟬城

在平壤西南漢縣屬樂浪郡後漢曰占蟬晉省隋大業八年伐高麗分軍出占蟬道蓋以漢縣名也又遂成廢縣在平壤南境漢置屬樂浪郡後漢魏晉皆因之隋大業八年伐高麗分軍出遂成道即此杜佑曰碣石山在漢遂成縣秦築長城起於碣石今遺址東截遼水而入高麗蓋本太康地志之說其實誤也

○加尸城

在平壤西南。高麗置唐貞觀十八年伐高麗。蓋蘇文遣加尸城七百人戍蓋牟城。是也。

○辱羣城

在平壤西北。唐總章元年李勣等敗高麗於鴨綠柵。追奔二百餘里。拔辱羣城。遂進圍平壤。是也。又伐奴城亦在平壤西北。唐咸亨二年行軍總管李謹行破高麗於瓠蘆河西。其妻劉氏屯伐奴城。高麗引靺鞨來攻。劉氏拒却之。或曰城在營州境內。

風俗

俗知文字喜讀書

五代史高麗傳俗知文字喜讀書。周世宗時高昭進別敘孝經一卷。越王新義八卷。皇靈孝經一卷。孝經雌圖一卷。別叙叙孔子所生及弟子事迹。越王新義以越王爲間目。若今正義皇靈述延年辟穀雌圖載日食星變皆不經之說。

飲食以蘧豆官吏閑威儀

宋徐競圖經飲食用俎豆文字合楷隸上而朝列官吏閑威儀而足辭采下而閭閻陋巷經館書社

三兩相望子弟未婚者則群聚從師稍長則擇友講習。

喜飲酒歌舞或冠弁衣錦樂史太平寰宇記修宮室祀靈星。

後漢書高句麗傳俗節於飲食而好修宮室又云

好祀鬼神社稷靈星以十月祭天大會明日東盟

其國東有大穴號禊神亦以十月迎而祭之東盟亦作盟

東明二重亦作等

載折風巾服神衫。

北史高句麗傳人戴折風巾形如弁士加插二羽。

貴者紫羅為服大袖衫大口袴紫皮帶黃革履婦人裙襦加襪公會衣服皆錦繡金銀為飾

柔仁惡殺崇釋信鬼

馬端臨文獻通考堂上設席升必脫履性柔仁惡

殺崇釋教信鬼拘陰陽病不服藥惟咒咀厭勝至

親有病不相視殮俗不知醫後中國有往者始通

其術。

俸皆給田刑無慘酷

文獻通考三歲一試有進士諸科士尚聲律百官

以米爲俸。皆給田園。無私田。計口授業。兵器。隸簡。刑無慘酷之科。惟元惡及罵父母者。斬。餘皆杖。助死罪。貸流諸島。累赦視輕重。原之。

京畿。江源地。本濊貊。其人謹愿。少嗜欲。有廉恥。同姓不婚。多所忌諱。

寰宇記。其人性謹愿。少嗜欲。有廉恥。男子衣皆著曲領。男女繫銀花。廣數寸。以爲飾。知種麻。養蠶。作綿布。又頗曉候星宿。先知年歲豐約。不以珠玉爲寶。

忠清黃海地。本馬韓。其人知田蠶。作綿布。少綱紀。不知騎乘。不貴金寶。大率皆魁頭。露髻。布袍。草履。信鬼神。聚歌舞。

寰宇記。馬韓人知田蠶。作綿布。出大栗。如梨。有細尾雞。尾長五尺。邑落雜居。亦無城郭。作土室。形如家。開石在上。不知跪拜。無長幼男女之別。少綱紀。國邑雖有主帥。不能相制御。其妻有棺。無槨。不知騎乘。牛馬。不貴金寶。錦厨帷。重嬰珠。以綴衣爲飾。及懸頸垂耳。大率皆魁頭。露髻。布袍。草履。其人勇



壯少年有築室作力者輒以繩貫脊皮以杖垂繩  
 歡呼為健終日力作不以爲疲善用弓楛矛楯雖  
 有鬪爭攻戰而貴相屈服俗信鬼神以五月耕種  
 畢祭鬼神晝夜酒會群聚歌舞舞輒數十人相隨  
 踏地爲節十月農工畢亦復如之諸國邑各以一  
 人爲主祭天地號天君又立蘇塗建大木以懸鈴  
 鼓事鬼神

全羅地本弁韓亦作卞韓

言語風俗與辰韓相似按字

慶尙地本辰韓人皆扁頭町女近倭按字

安平咸鏡俗尙弓馬咸鏡地本高麗黃海安平地本朝鮮

忠清慶尙全羅地廣物衆最爲富庶俗尙詩書人才

之出倍於諸道王折續文 獻通考

山川

○北岳山

在國城北明初朝鮮國王李旦依此爲都萬歷中倭  
 據王城背岳山而漢水爲三營即此明統志在漢城  
 府境

○九都山

在國城東北。明統志。漢時高句驪王伊夷模都此。晉為慕容皝所據。

○天寶山

在國城西境。明萬歷中李如松遣將屯寶山以拒倭。即此。

○龍山

在國城漢江東南。明萬歷中倭敗於平壤。遁還龍山。即此。

○神嵩山

在開城府北。五代時王建依此山為都。因名其城為松岳。志云。朝鮮有三都。謂平壤。漢城。及松岳也。又有平山嶺。在開城府西一里。其土色皆赤。

○金堂山

在黃州三和縣之西北。州屬東寧路。領安岳。三和。龍岡。咸從。江西。五縣。志云。三和在黃州西南一百里。又州境有政方山。

○白山

在全州南海中。或以爲即白水山是也。又有黑山。在  
白山東南。勢甚高峻。其下有澳。可以藏舟。

○島山

在蔚山郡南明。萬歷十五年。麻貴等攻蔚山。倭悉  
走。島山於山前連築三寨。拒守。島山視蔚山城高。倭  
又於上新築石城。堅甚。官軍攻之。不克。尋潰還。

○釜山

在朝鮮東萊縣南二十一里。西北去國城千四百里。  
濱大海。與日本對馬島相望。揚帆。半日可至。其東有

東來。机張。西生。林瑯。五浦。爲左臂。西有安骨。安窟。嘉  
德。熊川。森浦。巨濟。閭山。德橋。金海。竹島。龍堂。爲右臂。  
聯絡犄角。可攻可守。明萬歷二十年。倭酋平秀吉。遣  
其黨行長等。擁舟師。逼釜山。鎭陷。慶尙道。尋入王京。  
旣而棄王京。還屯據釜山。增築西生。机張等處。分兵  
拒守。而以釜山爲根本。官兵攻之。不能克。久之。始解  
去。續文獻通考。釜山地方。去日本對馬島。僅一日程。  
相傳。舊屬日本。爲大海限隔。棄於朝鮮。先是。日本以  
歲禮。借朝鮮穀萬斛。朝鮮令人往索。日本乃以釜山

地爲晉。朝鮮使臣不許。萬歷辛卯。日本關白平秀吉遣將行長清正率師。至朝鮮。未及至京。王暇遁去。一國爲墟。遂遣人上表請援。上命重臣提兵往救。踰年。相持不退。兵部尙書石星聽流人沈惟敬言。加遊擊銜。往諭日本罷兵。惟敬陰許議和。且許復寧波貢道。事泄。下惟敬獄。與星偕擬重典。愈益調兵增餉。費至百萬。彼此互相勝負。敵衆其處釜山。蓋屋治田。爲久留計。戊戌七月。平秀吉病卒。始撤歸。圖經釜山去南原府七百里。

○稷山

在忠州西。稷山監。明萬歷二十五年。倭陷全羅。引而北。麻貴發兵守稷山。以遏其鋒。又有青山。與稷山相近。志曰。稷山之南。即天安郡城南。下全州要道也。

○洪州山

在忠州西南境海中。明統志。洪州建於山下。稍東有東原山。產金。

○富用山

在洪州海中。上有倉穀。故名。俗譌爲芙蓉山。

○九頭山

在廣州海中。山有九峯。林木甚茂。

○蘭秀山

在開州西。明洪武五年。高麗國王請征蘭秀山。遣寇詔止之。

○蓋馬大山

在平壤城西。漢志元菟郡有西蓋馬縣。因山以名。

○魯陽山

在平壤城東。北上有魯城。

○馬邑山

在平壤西南。唐顯慶五年。蘇定方敗高麗軍於浪江。奪馬邑山。遂圍平壤。即此。

○葦山

在平壤城西南二十里。南臨浪水。

○觀門山

在土山縣北。元屬東寧路。

○花山

在土山縣東南。皆縣境之大山也。

○屈巖山

在定遠府城東。以巖岫屈曲而名。又雲山在朔州西境南。

○馬頭山

在靈州之東。又長花山在鉄州西南。

○天聖山

在殷州東北。

○靈山

在宣州西南。

○熊花山

在鄂州郡東北。又有靈山在宣州郡東南。龍骨山在龍川郡城東。又小鉄山在鴨漆江東岸。義州境。渡江處也。又西南為遼東境內之增福島及皮島云。

○青邱

在高麗境。子虛賦。秋獵於青邱。蓋謂此。服虔曰。青邱國在海東三百里。晉天文志。有青邱七星。在軫東蠻夷之國也。唐討高麗。置青邱道行軍總管云。

○江華島

在開州城南海中。元時高麗王植庶族承化候居此。圖經今有江華府。蓋以島名。

○紫燕島

在廣州海中。上有客館。曰慶源亭。居民甚衆。以嶼多飛燕故名。

○和尚島

在廣州海中。山勢重疊。林壑深茂。上有葉老寺。

○大青島

在廣州海中。一名大青嶼。元文宗徙其兄子托歡特

穆爾於高麗。使居大青島。尋徙於廣西靜江。是也。其相近者。又有小青嶼。托歡穆爾舊作妥歡帖木兒。今改正。

○排島

在全州南海中。遠望三山並列。中一山如堞。亦曰排梁山。

○群山島

在全州南海中。遠望十二峯連絡如城。其南有嶼。亦謂之案苦。

○白衣島

在全州南海中。前有小焦。附之。假檜積蘇。蒼潤可愛。

○天仙島

在全州南海中。又名關山島。

○平湖島

在慶州南海中。元至元十八年。遣范文虎帥兵擊日本。道出高麗。航海至平湖島。颶風敗舟。遂還。

○竹島

在慶州郡西南瀕海。明萬歷二十五年。倭泊於釜山。

往來竹島。漸逼梁山熊川。既而奪梁山。遂入慶州。又巨濟島在竹島東。濱海。朝鮮置巨濟縣。兼署水軍營於此。衝險次於釜山。

○閑山島

在慶州西南境。朝鮮西海水口也。右障全羅道之南原府。爲全羅外藩。一失守。則沿海無備。天津登萊。皆可揚帆而至。其相近者。漆山島。明萬歷二十五年。倭入慶州。侵閑山。夜襲漆山島。官軍潰走。遂失閑山。倭進圍南原。陷之。



○唐人島

在青州海中。與九頭山相近。又有馬島。亦在青州海中。國中牧馬地也。舊有客館。曰安興亭。

○牛心嶼

在青州海中。一峯特起。狀類覆盂。而中稍銳。其相近者。又有雞心嶼。

○大月嶼

在全州南海中。回掩如月。其後又有小月嶼。對峙如門。可以通舟。

○菩薩苦

在全州南海中。圖經小於嶼。而有草木。曰苦。其相近者。為紫雲苦。春苦。跪苦。又有檳榔焦。亦在全州南海中。圖經苦嶼。而其質純石者。曰焦。

○札子苦

在青州南海中。麗人謂笠為札。其山如之。故名。

○雙女焦

在青州海中。

○蛤窟

在廣州海中。山不甚高，而民居甚衆。山之脊有龍祠。海中往來者，皆視之。

○烏嶺

在慶州西北境，西接尙州界。廣亘七十餘里，懸崖巉削，中通一道，如線。灌木叢穰，騎不得成列。朝鮮指爲南道雄關。明萬歷二十一年，倭棄王京，遁別將劉綎自尙州追至烏嶺後，倭方拒險，別將查大受自忠州踰槐山監出，烏嶺後，倭大驚，前移，釜山浦爲久駐計。

○竹嶺

在忠州東。羊腸遶曲，頗爲險峻。明萬歷中，倭棄王京，踰竹嶺，走慶尙，即此。

○摩天嶺

在咸興府東北。朝鮮謂之東北雄關。

○慈悲嶺

在平壤東一百六十里。宋淳熙二年，高麗西京留守趙位寵以慈悲嶺至鴨綠江四十餘城，附金。金人不納，位寵伏誅。元至六年，高麗臣李延齡等以西京以下六十城來歸，元因改置東寧路，以慈悲嶺爲界。云

○嘉山嶺  
在嘉山郡西郡以此名。圖經朔州西北有秋踰嶺。朝鮮謂之西北雄關。

○大海

明統志朝鮮之境。東西南三面皆瀕海。其東水滄清。澈下視十丈餘。又舊志西大海。在黃州長命鎮東。入大通江。又白州海州之西。皆逼近海濱。

本朝康熙五十年。以朝鮮國島。夢金鼎足島。沙十叱九味等處。俱與奉天府。金州。復州。蓋州。海州。相多咨。

奉天府將軍及府尹嚴禁沿海居民。不許往朝鮮近洋漁採。

○漢江

又名熊津江。在國城南十里。源發金剛五台二山。合流入海。王城恃以為險。江之南即古百濟國地也。明萬歷中。李如松拔朝鮮。倭棄王城。遁如松入城。以兵臨漢江尾。後欲乘其惰。歸擊之。不果。

○白江

在熊津東南。亦接大海。遼全州西界。唐龍朔三年。劉

仁師引舟師自熊津。趣周留城。時百濟請援於倭。至白江口。遇倭兵。仁軌四戰皆捷。焚其舟四百餘。進拔周留。遂平百濟。是也。

○三浪江

在梁山郡南。舊志梁山西北有峻嶺。上容雙馬。路險絕。南有三浪江。直通金海竹島。萬歷中倭奪梁山三浪。遂入慶州。

○晉江

在慶州西南。四州城北。或謂之西江。東南注於海。明

萬歷中麻貴攻蔚山。遣兵屯西江口。防倭。水路援兵。即此。

○白馬江

在青州南。圖經矜州南有白馬江。南流入青州界。折而東。又東北經天安郡界。折而北。其下流合于漢江。

○大通江

在平壤城東。亦曰大同江。舊名浪水。史記秦修遼東。故塞至浪水。爲界。漢初燕人衛滿亡命東走。出塞渡浪水。居秦故空地上。下障。稍役屬。其真番朝鮮蠻夷。

及燕亡命者王之元封三年荀彘自遼東擊鮮朝破其涓水上軍乃至王險城下漢志樂浪郡有涓水縣涓水至西增地縣入海王儉城蓋在涓水之南桑欽水經涓水出樂浪鰲方縣東南過涓縣東入海隰矣隋大業八年伐高麗來護兒江淮水軍自東萊浮海先進入自涓水去平壤六十里尋爲高麗所敗還屯海浦唐龍朔元年蘇定方伐高麗敗其兵於涓水江遂趨平壤明萬歷二十一年李如松援朝鮮至平壤倭悉力拒守如松度地形東南並臨江西枕山陡立

惟迤北牡丹峯高聳最要害如松乃遣將攻牡丹峯督兵四面登城遂克之既而如松駐開城別將楊元軍平壤大同江以通餉饋是也

○清引江

在安州城東西南流入海亦名薩水隋大業八年宇文述等擊高麗渡鴨綠水追擊其大臣乙支文德東濟薩水去平壤城三十里固山爲營平壤險固不能猝拔引還至薩水軍半濟爲高麗所擊諸將皆潰將士奔還一日夜至鴨綠水行四百五十里今亦謂之

大寧江舊志平壤黃州西隔大寧江東阻大通江所謂兩江之中也

本朝康熙三十七年朝鮮歲飢表請中江開市奉旨許以積貯米穀水陸共運四萬石至中江平糶云

○沸流江

在江東郡自漢江分流西合於大通江明統志靈州東有大同江西北入於大通江

○鴨綠江

在國東北界源發長白山西麓西南流入海杜佑曰

在平壤西北四百五十里漢志所謂馬砦水地高麗每恃為天險今詳盛京奉天府



○月不唐江

在黃州安岳縣東其水西流入海舊志安岳在黃州南一百五十里是也

○發盧河

在慶州西界舊志在高麗南界新羅七重城之北唐咸亨四年李謹行破高麗於匏盧河之西咸亨五年劉仁軌東伐新羅率兵絕匏盧河攻大鎮七重城破之即此

○西生浦

在蔚山郡五十三里其相近者曰机張監又有開雲浦在蔚山郡南五十二里

○甘浦

在慶州東二十里圖經甘浦相近者有長馨浦

○安骨浦

在熊州郡南二十里其相近者又有天成浦

○金浦

圖經在晉州南即晉江南入大海處也元至正二十二年饑征日本勅漕江淮米數百萬石貯於高麗之



金浦。仍今東京及高麗各貯米萬石。備征日本。期明年八月。悉會金浦。不果行。元史作月浦。誤也。

○薩賀水

在開州西南。一作薛賀水。唐乾封三年。李勣等伐高麗。別將薛仁貴克扶餘城。高麗趨救。與李勣遇於薛賀水。合戰。勣大破之。追拔大行城。是也。舊志薛賀水出北山中。東南流入鴨綠江。

○蛇水

在平壤西境。唐龍朔初。麗孝恭等擊高麗。以嶺南兵。

壁于蛇水。爲蓋蘇文所攻。一軍盡沒。又一水爲之陀水。宋天禧二年。契丹伐高麗。戰于蛇陀。二水敗還。舊志二水俱在平壤西北。

○楊花渡

在國城西南。漢江之濱。朝鮮各道餽餉皆聚於此。或曰即臨津城也。明萬歷中。倭渡臨津。掠開城。既李如松駐開城。遣別將查大受據臨津。爲東西策應。即此。

○禮成港

在開城府南。下流入於海。又有急水門。明統志在開

府南海中。宛如巫峽。又有蛤窟。亦在開城南海中山頂有龍祠。

○古蹟箕子故都

即平壤。今王儉城是也。漢書地理志。樂浪郡。朝鮮。應劭曰。武王封箕子於朝鮮。按天文。箕子都朝鮮。於分野。爲箕星。在析津之次。故以氏國云。晉張華曰。朝鮮有泉水。冽水。汕水。三水合爲冽水。疑樂浪。朝鮮取名於此也。昔武王釋箕子之囚。箕子不忍周之釋。走之朝鮮。武王聞知。因以朝鮮封之。箕子教以禮義。田蠶。

作八條之教。無門戶之閉。而人不爲盜。其後四十餘代。至戰國時。屬於燕。爲置吏。作障塞。其後燕王盧縮及入匈奴。燕人衛滿亡命。聚黨千餘人。椎結蠻服。東走出塞。渡浪水。擊破朝鮮。王準居秦。攻空地上。下障。稍役屬真番。朝鮮諸釋。及故燕齊亡命者。王之都王儉。在浪水。東會。孝惠高后時。天下初定。遼東太守即約滿。爲外臣。保塞外。蠻羣。是故滿得以威力。使其傍小邑。真番。臨屯。皆來服屬。地方數千里。傳于至孫右渠。誘漢亡人。滋多。武帝元封二年。遣樓船將軍楊僕。

從齊浮渤海在將軍荀彘出遼東討之三年朝鮮人殺右渠來降遂定其地因立爲眞番臨屯樂浪元菟四部郡昭帝時罷臨屯眞番以并樂浪元菟云

○古沃沮地

今朝鮮之東北境文獻通考沃沮在高句驪蓋馬大山之東濱大海而居可千里北與挹婁扶餘濊貊接戶五千無大君王邑落各有長帥其言語與句驪小異衛滿王朝鮮時沃沮皆屬焉漢武帝元封三年以沃沮城四郡後爲夷貊所侵徙郡句驪西北今所謂

元菟故府是也沃沮還屬樂浪漢以土地廣遠在單單大嶺之東分置東部都尉治不耐城別主嶺東七縣時沃沮亦皆爲縣漢光武六年省邊郡都尉由此罷其後皆以爲縣中渠帥皆自稱三年則故縣國之制也魏母邱儉討句驪句驪王官走沃沮遂進師擊之沃沮邑落皆破官走北沃沮北沃沮一名置隔婁去南沃沮八百餘里其俗南北皆同與挹婁接挹婁喜乘船侵掠北沃沮畏之夏月恒在山巖深穴中爲守備冬月冰凍船道不通乃下居邨落王傾別遣道

討宮盡其東界間其耆老海東復有人否耆老言國  
 人嘗乘船捕魚遭風見吹數十日日得一島上有人  
 言語不通其俗常以七月取童女沉海又嘗有一國  
 亦在海中純女無男又說得一布衣從海中浮出其  
 身如中國人衣其兩袖長三丈其城在沃沮大海中

○古扶餘國

今朝鮮東北境通典扶餘國後漢通焉初橐離國王  
 有子曰東明長而善射王忌其猛而欲殺之東明奔  
 走南渡掩淥水因之扶餘而王之順地永和初其王

如來朝至晉太康六年為慕容廆所襲破其王依慮  
 自殺子弟走保沃沮自後扶餘國名不列史傳

○古高句驪國

今咸興府東北之高句驪城按古朝鮮與高句驪為  
 二朝鮮乃箕子所封漢志樂浪郡朝鮮是也高句驪  
 亦曰高麗漢志元菟郡高句驪是也後漢書高句驪  
 在遼東之東千里南與朝鮮濊貊東與沃沮北與扶  
 餘接地方二千里多大山深谷人隨而為居相傳以  
 為扶餘別種後始并為一云

○古三韓地

今朝鮮之黃海道忠清道本古馬韓舊地。全羅道本  
弁韓地。書序成王既伐東夷。傳云海東諸國句驪扶  
餘。豻豻之屬。正義曰。漢書有高句驪。扶餘。韓無此豻。  
豻即韓也。音同而字異耳。後漢書韓有三種。一曰馬  
韓。二曰辰韓。三曰弁辰。馬韓在西五十有四國。其北  
與樂浪接。南與倭接。辰韓在東十有二國。其北與濊  
貊接。弁辰在辰韓之南亦十有二國。其南與倭接。凡  
七十八國。或曰百濟是其一國焉。大者萬餘戶。小者

數千家。各主山海間。地方四千餘里。東西以海爲限。  
皆古之辰國也。馬韓最大。共立其種爲辰王。都目之  
國。盡王三韓之地。寰宇記辰韓耆老自言秦之亡人  
避苦役來適韓國。馬韓割其東界地與之。有城柵。其  
言語有類秦人。由是或謂之秦韓。其王明其爲流移  
之人故也。其俗名國爲邦。弓爲弧。賊爲寇。行酒爲行  
觴。相呼皆爲徒。諸小邑各有渠帥。大者名臣智。次有  
儉。側。次有樊。濊。次有殺。奚。次有邑。借。皆其官名。其人  
皆文身。便步戰。兵仗與馬韓同。弁韓與辰韓雜居。言

語風俗亦相似。惟祠祭鬼神有異。施電皆在戶西。初朝鮮王準爲衛滿所破。乃將其餘種數千人入海。攻馬韓。破之。自立爲韓王。準後滅絕。馬韓人復自立爲辰王。後漢光武時。馬韓廉斯人蘇馬謚等詣樂浪貢獻。帝封蘇馬謚爲漢廉斯邑君。使屬樂浪郡靈地末。韓濊並盛。郡縣不能制。百姓苦亂。多流亡入韓者。建安中。公孫康以南荒郡爲帶方郡。因收遺民。伐韓濊。舊民稍出。是後倭韓遂屬帶方郡。魏明帝初。斷帶方太守劉遺樂浪太守鮮于鬪。越海定二郡。以樂浪本

統韓國。分割辰韓入海。以屬樂浪。晉武帝咸寧中。馬韓王來朝。自後無聞。按三韓尋爲百濟新羅所併。

○古百濟國

今朝鮮之全羅道。三國志三韓凡七十八國。百濟其一也。後漸強大。兼諸小國。與高句麗相匹。俱在遼東之東千餘里。北史百濟都俱拔城。亦曰固麻城是也。通典百濟即後漢末夫餘王尉仇台之後。初以百家濟海。因號。唐武四年。册王扶餘璋爲帶方郡王。後王義慈於高麗取新羅三十城。又不朝貢。顯慶五年。遣

朝鮮國志卷之四  
定方討平之。舊有五部分。統三十七郡。二百城。七十  
六萬戶。至是以其地分置熊津。馬韓。東明。金湊。德安  
等五都督府。仍以其會渠爲都督府刺史。舊唐書麟  
德二年。百濟王扶餘隆與新羅王金法敏會熊津城  
刑白馬而盟。尋懼新羅歸於京師。儀鳳二年。拜熊津  
都督。帶方郡王。今歸本蕃。安輯餘衆。時百濟本地荒  
毀。漸爲新羅所據。隆不敢還舊國。而卒。其孫敬則天  
朝。襲封帶方郡王。授衛尉卿。其地自此爲新羅及渤  
海。靺鞨所分。百濟之種遂絕。

○古新羅國

今朝鮮之慶尙道。新羅地。在高麗東南。通典新羅國。  
魏時新盧國。其先本辰韓種也。辰韓始有六國。稍分  
爲十二。新羅則其一也。其國在百濟東南。五百餘里。  
東濱大海。魏將毋邱儉討高麗。破之。高麗人奔沃沮。  
其後復歸故國。留者遂爲新羅焉。隋書其人雜有華  
夏。高麗。百濟之屬。兼有沃沮。不耐韓濊之地。其王本  
百濟人。自海逃入新羅。遂王其國。傳祚至金眞平。閔  
皇十四年。遣使貢方物。因拜爲樂浪郡公。新羅王得

唐書貞觀中。新羅王貞平卒。無子。立女爲善德。爲王。國人號聖祖皇姑。善德卒。立其妹眞德。爲王。眞德遣其子金春秋來朝。請詣國學觀釋尊及講論。太宗因賜以所製溫湯及晉祠碑。并新撰晉書。將歸國。令三品以上宴餞。之饗禮甚備。永徽元年。眞德大破百濟。遣春秋子法敏以聞。又織錦作五音大平頌。以獻帝嘉之。拜法敏爲太府卿。龍朔二年。詔以新羅國爲雞林州都督府。授法敏爲雞林州都督。開元二十五年。遣左贊善大夫邢璣攝鴻臚少卿往册封新羅王。

璣將發。上製詩序。太子以下。即百僚咸賦詩以送之。上謂璣曰。新羅號爲君子之國。頗知書記。有類中華。以卿學術善於講論。故選使充此。到彼宜闡揚經典。使知大國儒教之盛。又聞其人多善葦人。率府兵曹楊季鷹爲璣之副。璣等至彼。大爲蕃人所敬。其國葦者。皆季鷹之下。於是厚賂璣等。金寶及藥物等。續文獻通考。遼太祖九年。新羅遣使貢方物。天贊四年。新羅國來貢。

○古休忍國



在新羅東亦三韓之屬東晉時有休忍國服屬於燕符秦滅燕遂屬秦及符洛以龍城叛徵兵於鮮卑烏桓高句驪百濟新羅休忍諸國其後并於百濟

○古濊貊國

今朝鮮之江原道遼志本濊貊地不耐城古濊貊所居也文獻通考濊亦朝鮮之地南與辰韓北與高句驪沃沮接東穹大海西至樂浪漢武帝元朔元年濊君南閭等叛朝鮮率二十八萬口詣遼東內屬帝以其地爲滄海郡數年乃罷元封三年滅朝鮮分置四

郡昭帝時并二郡入樂浪元菟復徙元菟居句驪自單大嶺以東沃沮濊貊并屬樂浪後以境土廣遠復分嶺東七縣置樂浪東部都尉光武建武六年省都尉官遂棄嶺東地悉封其渠帥爲縣侯皆歲時朝賀無大君長自漢以來其官有侯邑居三老統主下戶其耆舊自謂與高麗同種晉語大抵相類俗多忌諱疾病死亡即棄舊宅常以十月祭天晝夜飲酒歌舞又祭虎以爲神其邑落有侵犯者輒相責罰牛馬名曰責禍地多文貂有果下馬高尺乘之可於果樹下

行。其海出班魚皮。漢時常獻之。魏齊王正始六年。不耐。歲侯等舉邑降。四時詣樂浪。帶方二朝。調有軍政賦調。如中華人焉。續文獻通考。遼太祖天顯元年。渤海既平。濊貊來貢。

○古耽羅國

今朝鮮之慶尚道境。亦曰儋羅國。唐書居新羅武州南島上。初附百濟。後附新羅。麟德二年。遣使入朝。後爲新羅所并。圖經。今濟州。即古耽羅國也。元大德五年。置耽羅國軍總管府。續文獻通考。耽羅高麗與國。

也。元世祖既臣高麗。以耽羅爲南宋日本衝要。乃於至元十年。命將平之。即其地立耽羅國。招討司屯鎮。邊軍千七百人。後改爲軍民府。遼總嚙齊總管府。又改爲軍民安撫司。其貢賦進毛施布百匹。至元三十一年。高麗王以爲音。遂復隸高麗。遼嚙嚙齊。舊作遼嚙花赤。今改正。

○古沸流國

今正州城。本古沸流國地。遼史志正州本沸流王國故地。公孫康所併。渤海置沸流郡。有沸流水。戶五百。

隸隸州。在西北三百八十里。統東那郡。本東那縣地。在州西七十里。

○井邑鎮

在全州東北。或曰即百濟之故沙井皆也。明萬歷中。倭行長犯王京。退屯井邑。去王京六百餘里。

○碧蹄館

在國城西三十里。其東有橋。曰大石橋。明萬歷中。李如松與戰處。

○肅寧館

在平壤西北。國經肅寧館之西。曰定州。東曰安州。明萬歷二十年。李如松援朝鮮。逾鴨綠江。至肅寧。越二日。抵平壤。即此。

○箕子墓

在平壤城西北三里。小山環繞。其前為箕子祠。有參奉二人。許幹似松葉似榆。土人常籍以療飢。相傳其始即箕子所植云。

名宦

○漢耿臨

順帝時爲元菟太守。句驪犯遼東，殺帶方令，掠得樂浪太守妻子。建寧二年，臨討之，斬首數百級，其王降服乞屬元菟。

○公孫域

桓帝時爲元菟太守。永康元年，夫餘國王將二萬人來寇，域擊破之，斬首數千級。

○唐李勣

曹州人。乾封間爲遼東道行軍大總管，率諸將征高麗，連拔其城，遂圍平壤，執其君臣，收凡五部，百七十

六城，戶六十九萬。詔勣使道獻俘，昭陵凱還，割其地爲都督府者九州四十二縣百。復置安東都護，擢酋豪有功者授都督刺史，令與華官參治。

○蘇定方

冀州人。顯慶間爲神邱道行軍大總管，率諸將擊百濟，自成山濟海，百濟守熊津口，定方擊敗之，直趨都城，拔之，執其王父子及酋長，送京師，平其國。五部三十七郡二百城，戶七十六萬，乃析置熊津、馬韓、東明、金漣、德安五都督府。

○劉仁軌

尉氏人。初蘇定方平百濟。留劉仁願守其城。百濟叛。國仁願。詔仁軌檢校滄州刺史。發兵授之。解仁願圍。合兵再定百濟。仁願等振旅還。詔仁軌鎮守百濟。再被亂。殪尸如葬。仁軌塞埋甲祭。葺復戶版。署官吏。開道路。營聚落。復防塹。賑貧貸乏。勸課耕種。爲立官社。民皆安其所。遂營屯田。以經畧高麗。後爲熊津道安撫大使。兼涇江道總管。副李勣討高麗平之。

○人物

○漢王閔

浪樂人。更始時爲郡三老。更始敗。土人王調殺郡守。自稱大將軍。樂浪大守。建武六年。光武遣大守王遵將兵擊之。至遼東。閔與決曹史楊邑等共殺調。迎遵。皆封爲列侯。閔獨讓爵。

○王景

字仲通。閔子。辟司空。仗恭。府有鴈。景能理水者。顯宗詔與將汴。調者。王吳共修作。浚儀渠。吳用景。塢流法。水不復爲害。永平十二年。議修汴渠。引見景。問以理

水行便。景陳其利害。帝善之。遂遣景與王吳修渠築堤。自榮陽東至千乘海口千餘里。景乃商度地勢。鑿金山阜。破磧直截溝澗。防遏衝要。疏決壅積。十里立一水門。今更相洄注。無復潰漏之患。遷侍御史。從駕東巡狩。至無鹽。帝美其功績。拜河隄關者。尋遷徐州刺史。又遷廬江太守。廬江民不知牛耕。食常不足。景驅率吏民。修起孫叔敖芍陂稻田。教用犁耕墾辟。倍多。境內豐給。銘石刻誓。令民知常禁。又訓令蠶織。爲作法制。卒於官。

○北魏王盟

樂浪人。家于武川。以積射將軍。從蕭寶寅西征。寶寅僭送盟。遂逃匿。及爾朱天光入關。盟從之。隋賀拔岳禽方俟醜奴平秦隴。常先登力戰。及宇文泰平侯莫陳悅。徐盟原任刺史。孝武至長安。封魏昌縣公。歷拜司空。司徒。侍中。太尉。趙青雀之亂。轉大子出頓涓北事平。進長樂郡公。遷太保。進太傅。姿度宏雅。仁而汎愛。雖位師傅。禮冠群臣。而謙恭自處。未嘗以富貴驕人。卒。謚孝定。

○北周高琳

字季珉。高麗人。從魏孝武西遷。封鉅鹿縣子。河橋之役。琳勇冠諸軍。周文謂曰。公即我之韓也。復從戰芒山。除正平郡守。齊將東方老來寇。琳擊退之。除鄆州刺史。加侍中。周孝閔踐祚。進爲郡公。武成二年。討平文州。天和三年。爲江陵副總管。陳將吳明徹來寇。琳固守江陵。以抗之。晝夜拒戰。凡經十旬。明徹退走。進位柱國。卒。謚曰襄。

○唐黑齒常之

百濟西部人。降唐。累遷左領軍。員外將軍。儀鳳三年。從擊吐蕃。敗之。調露中。吐蕃使贊婆等入寇。又敗之。永隆二年。贊婆營青海。常之馳掩其屯。破之。悉燒其糧廩。所獲不貲。凡蒞軍七年。吐蕃憎畏。不敢盜邊。封燕國公。垂突厥復犯塞。常之追擊之。賊遯去。後爲燕然大總管。與李多祚等擊突厥骨咄祿。元珍於黃花堆。破之。賊潰歸磧北。

○高仙芝

高麗人。開元末。爲安西副都護。四鎮都知。兵馬使。小

勃律王爲吐蕃所誘。故西北二十餘國皆屬吐蕃。天寶六年詔仙芝討之。乃分軍爲三。而自率一軍。越險深入。至阿弩越城。城中大酋長皆吐蕃腹心。仙芝遣將悉縛斬之。王出降。因平其國。急斷婆夷橋。吐蕃至不克渡。于是沸菽大食諸胡七十二國皆震懾降。附。擢爲四鎮節度使。尋加左金吾衛大將軍。九載討石國降。其王車鼻施更拜右羽林軍大將軍。封密雲郡公。

○王思禮

高麗人以功授右衛將軍。關西兵馬使。安祿山反。哥舒翰爲元帥。奏思禮赴軍。委以軍事。密勸翰表誅楊國忠。不聽。潼關失守。思禮走行在。更爲關內行營節度河西隴右伊西行營兵馬使。守武功。賊將來。戰。退保扶風。長安平。思禮先入。清宮。收東京。戰。數有遷兵。部尚書。封霍國公。兼潞沁等州節。乾元元年。與郭子義。圍相州。軍潰。惟李光弼。思禮。完軍還。尋破史思明別將萬餘衆於直千嶺。代光弼爲河東節度副大使。加司空。卒。謚武烈。



○張保臯 鄭年

新羅人皆善鬪戰。工用槍。年復能沒海。履其地五十里。不噎。二人常不相下。自其國皆來。為武寧軍小將。後保臯歸新羅。謁其王曰。偏中國。以新羅人為奴婢。願得領青海。使賊不得掠人西去。王與萬人守之。自太和後。海上無鬪。新羅人者。保臯既資于其國。年飢寒。客漣水。一日辭戍主。東歸。謁保臯。飲之。極歡。聞大臣殺其王。國亂。保臯分兵五千。特年泣曰。非予不能平禍。難年至。誅反者。立王。以報王。召保臯為相。以年

代守青海

土產

白苧布	綿紬	木棉布	五爪龍蓆	雜彩花
蓆	白礮紙	米 <small>有江米。稻二種。</small>	鹿皮	獺皮
刀	以上	俱入	金銀鐵石	燈盞 <small>有紅白二色。</small>
水晶	鹽	狼尾	筆	油煤墨
摺扇	<small>編竹為骨。以多為貴。</small>	黃漆	<small>樹似棕。六月漢取。</small>	漆 <small>物如金。</small>
果下馬	<small>後漢書。澗國有果下馬。注。高三尺。乘之可以果樹下。行。</small>	長尾雞	<small>後漢書。馬韓國。長尾雞。尾長五尺。</small>	蜂蜜
貂豹	紅豹	皮	<small>後漢書。澗國。海山。國多文豹。</small>	八梢魚
斑魚	<small>後漢書。澗國。海山。斑魚。使來。皆獻之。</small>			

蠶房。龜脚。竹蛤。海藻。昆布机。可為酒黍

麻。麥松。有三種惟五葉者結子人參。茯苓。硫黃。

白附子。榛子。梨。栗。

朝鮮國志卷四終

明治十六年三月十三日版權免許 (定價金六拾錢)  
同年同月出版

印刷人 關根錄三郎

愛知縣土族  
東京府南葛飾郡洲崎村  
百七十二番地

東京府平民

出版人 丸家善七

日本橋區通三丁目十四番地

賣捌所 丸善書店

神奈川縣橫濱辨天通四丁目

